


陸宣公奏議

二

柳田文庫
文庫11
D 326
2





文庫11  
D326  
2

葛氏評點陸宣公奏議卷二 桑原枕較訂

○○○奉天請數對群臣兼許令論事狀

朝隱奉宣聖旨頻覽卿表狀勸朕數對群臣兼許今  
論事辭理懇切深表盡忠朕本性甚好推誠亦能納  
諫但緣上封事及奏對者少有忠良多是論人長短  
或探朕意旨朕雖不受讒譖出外即妄生是非以為  
威福朕徃日將謂君臣一體都不隄防緣此推誠病信無識  
疑多被姦人賣弄今所致惠害朕思亦無他故却是  
失在推誠又諫官論事少能慎密例自矜銜歸過於  
朕以自取名朕從即位以來見奏對論事者甚多大

陸宣公奏議卷之二



010190566590

辭勞  
下文  
作梓  
窮

抵皆是雷同道聽塗說。試加質問，即便辭勞。若有奇  
才異能，在朕豈惜拔擢。朕見從前已來，事祇如此。所  
以近來不多取次對人，亦不是倦於接納。卿宜深悉  
此意者。聖德廣大，如天包容，俯矜狂愚，仍賜獎諭。嘉  
臣以懇切，目臣以盡忠。雖甚庸駑，實懷感勵。夫知無  
不言之謂盡，事君以義之謂忠。臣之夙心，久以自誓。  
以此為奉上之道，以此為報主之資。幸逢休明，獲展  
誠願，既免罪戾，又為褒擢。庶奉周旋，不敢失墜。倘陛  
下廣推此道，施及萬方，咸獎直以矜愚，各錄長而捨  
短。人之所善，誰不如臣。自然聖德益彰，群心盡達。愚

衷懇懇，實在於斯。睿眷益深，縷宣密旨，備該物理。曲  
盡人情，其於慮遠防微，固非常識所逮。然臣竊謂天  
子之道，與天同功。天不以地有惡木而廢，發生天子  
不以時有小人而廢。聽納帝王之盛，莫盛於堯。雖四  
兇在朝，而僉議靡輟。故曰：惟天為大，惟堯則之。是知  
人有邪直賢愚，在處之各得其所而已。必不可以忠  
良者少，而闕於詢謀獻納之道也。昔人有因噎而廢  
食者，又有懼溺而自沉者，其為矯枉防患之慮，豈不  
過哉。願陛下取鑒於茲，勿以小虞而妨大道也。臣聞  
人之所助，在乎信。信之所立，縣乎誠。循誠於忠，可以

陸道公奏議

陸宣公奏議 卷之二  
俾眾無惑存信於己。可以教人不欺。惟信與誠有補無失。一不誠則心莫之保。一不信則言莫之行。故聖人重焉。以為食可去而信不可失也。又曰誠者物之終始。不誠無物。物者事也。言不誠則無復有事矣。匹夫不誠無復有事。况王者賴人之誠以自固而可不誠於人乎。陛下所謂失於誠信以致患者。臣竊以斯言為過矣。孔子曰可與言而不與之言失。人不可與言而與之言失。言智者不失人。亦不失言。繇此言之。陛下可審其所言而不可不慎。信其所與而不可不誠。海禽至微猶藏情偽。含靈之類固必難誣。前志

所謂眾廢者至愚而神。蓋以蚩蚩之徒。或昏或鄙。此其似於愚也。然而上之得失靡不辨。上之好惡靡不知。上之所秘靡不傳。上之所為靡不效。此其類於神也。故深○悉○人○情○字○字○金○鏡駁之以智。則人詐示之以疑。則人偷。接不以禮。則拘義之意輕。撫不以恩。則效忠之情薄。上行之則下從之。上施之則下報之。若響應聲。若影從表。表枉則影曲。聲淫則響邪。懷鄙詐而求顏色之不形。顏色形而求觀者之不辨。觀者辨而求眾廢之不惑。眾廢惑而求叛亂之不生。自古及今未之得也。故惟天下至誠為能盡其性。能盡其性則能盡人之性。若疊山云不盡

陸宣公奏言 卷之二  
於己而望辭婉意和得告君之道於人衆必給而不從矣。不誠於前而曰誠於後衆必疑而不信矣。今方岳如論有不誠於國者。陛下則興師以伐之。臣庶有虧信於上者。陛下則出令以誅之。有司順命誅伐而不敢縱捨者。蓋以陛下之所有責彼之所無故也。向若陛下不誠於物不信於人。人將有辭何以致討。是知誠信之道不可斯須去身。願陛下順守而行之。有加恐非所以為悔者也。臣聞春秋傳曰。人誰無過。過而能改善莫大焉。易曰。日新之謂盛德。禮記曰。德日新日日新。又曰。新。商書仲虺述成湯之德曰。用人惟己。改過不吝。周詩吉甫美

宣王之功曰。袞職有闕。惟仲山甫補之。夫禮易春秋百代不刊之典也。皆不以無過為美。而謂大善盛德在於改過日新。成湯聖君也。仲虺聖輔也。以聖輔而贊揚聖君。不稱其無過而稱其改過。周宣中興之賢主也。吉甫文武之賢臣也。以賢臣之歌誦賢主。不美其無闕而美其補闕。是則聖賢之意較然著明。唯以改過為能。不以無過為貴。蓋為人之行己。必有過差。上智下愚俱所不免。智者改過而遷善。愚者恥過而遂非。遷善則其德日新。是為君子。遂非則其惡彌積。斯謂小人。故聞義能徙者。常情之所難。從諫勿拂者。

聖人之所尚。至於贊揚君德。歌述主功。或以改過。不  
 吝為言。或以有關。能補為美。中古已降。淳風浸微。臣  
 既尚諛。君亦自聖。掩聖德而行小道。於是有入則造  
 膝。出則詭辭之態興矣。姦繇此滋。善繇此阻。帝王之  
 意。繇此惑。諫臣之罪。由此生。媚道一行。為害斯甚。太  
 宗文皇帝。挺秀千古。清明在躬。再恢聖謨。一變流弊。  
 以虛受為理本。以直言為國華。有面折廷爭者。必為  
 霽雷霆之威。而明言獎納。有上封獻議者。必為黜心  
 意之欲。而手敕褒揚。故得有過必知。知而必改。存致  
 雍熙之化。沒齊堯舜之名。向若太宗狗中主之常情。

滯習俗之凡見。聞過則美。已之短。納諫又畏人之知。  
 雖有求理之心。必無濟伐之效。雖有悔過之意。必無  
 從諫之名。此則聽納之實不殊。隱見之情小異。其於  
 損益之際。已有若此。相懸又況不及中才。師心自用。  
 肆於人上。以遂非拒諫。孰有不危者乎。且以太宗有  
 經緯天地之文。有底定禍亂之武。有躬行仁義之德。  
 有理致太平之功。其為休烈耿光。可謂盛極矣。然而  
 人到於今。稱咏以為道冠前古。澤被無窮者。則從諫  
 改過。為其首焉。是知諫而能從。過而能改。帝王之美。  
 莫大於斯。陛下所謂諫官論事。少能慎密。例自矜銜。

歸過於朕者。臣以為不密。自矜信非忠厚。其於聖德固亦無虧。陛下若納諫不違。則傳之適足增美。陛下若違諫不納。又安能禁之勿傳。伏願以貞觀故事為楷模。使太宗風烈重光於聖代。恐不可謂此為歸過而阻絕直言之路也。臣聞虞舜察讒言。故能成聖化。晉文聽輿誦。故能恢霸功。大雅有詢於芻蕘之言。洪範有謀及庶人之義。是則聖賢為理。務詢衆心。不敢忽細微。不敢侮鰥寡。侈言無驗。不必用。質言當理。不必違。遜於志者。不必然。逆於心者。不必否。異於人者。不必是。同於衆者。不必非。辭拙而效速者。不必愚。言

甘而利重者。不必智。是皆考之以實。慮之以終。其用無他。惟善所在。則可以盡天下之理。見天下之心。夫人之常情。罕能無惑。大抵蔽於所信。阻於所疑。忽於所輕。溺於所欲。信既偏。則聽言而不考其實。繇是有過當之言。疑既甚。則雖實而不聽其言。於是有失實之聽。輕其言。則遺其可重之事。欲其事。則存其可棄之人。斯並苟縱私懷。不誓皇極。於以虧天下之理。於以失天下之心。故常情之所輕。乃聖人之所重。圖遠者先驗於近。務大者必慎於微。將在博採而審用。其中固不在慕高而好異也。陛下所謂比見奏對論事。

皆是雷同道聽塗說者。臣竊以衆多之議足見人情。必有可行亦有可畏。恐不宜一槩輕悔而莫之省納也。陛下又謂試加質問即便辭窮者。臣下恐陛下雖窮其辭而未盡其理。能服其口而未服其心。何以知其然。臣每讀史書見亂多理少。因懷感歎。嘗試思之。竊謂為下者莫不願忠。為上者莫不求理。然而下每苦上之不理。上每苦下之不忠。若是者何。兩情不通故也。下之情莫不願達於上。上之情莫不求知於下。然而下恒苦上之難達。上恒苦下之難知。若是者何。九弊不去故也。所謂九弊者。上有其六。而下有其三。

好勝人。耻聞過。騁辯給。銜聰明。厲威嚴。恣彊愎。此六者。君上之弊也。諂諛。顧望。畏愞。此三者。臣下之弊也。上好勝。必甘於佞辭。上耻過。必忌於直諫。如是則下之諂諛者。順旨而忠實之語不聞矣。上騁辯給。必勤說而折人。以言上銜聰明。必臆度而虞人。以詐如是。則下之顧望者。自便而切磨之辭不盡矣。上厲威。必不能降情以接物。上恣愎。必不能引咎以受規。如是則下之畏愞者。避辜而情理之說不申矣。夫以區域之廣大。生靈之衆多。宮闕之重深。高卑之限隔。自黎獻而上。獲覩至尊之光景者。踰億兆而無一焉。就獲



初心

忠 忍 盡 盡

觀之中得接言議者又千萬無一幸而得接者猶有  
 九弊居其間則上下之情所通鮮矣上情不通於下  
 則人惑下情不通於上則君疑疑則不納其誠惑則  
 不從其令誠而不見納則應之以悖令而不見從則  
 加之以刑下悖上刑不敗何待是使亂多理少從古  
 以然考其初心不必淫暴亦在乎兩情相阻馴致其  
 失以至於艱難者焉昔龍逢誅而夏亡比干剖而商  
 滅宮奇去而虞敗屈原放而楚衰千○古○快○論○可○與○子○長臣謂夏殷虞楚之  
 君屈○賈○傅○同○讀若知四子之盡盡必不勦棄若知四子之可用必  
 不推違所以至於忍害而捨絕者蓋謂其言不足行

心不足保故也四子既去四君亦危然則言之固難  
 聽亦不易趙武呐呐而為晉賢臣絳侯木訥而為漢  
 元輔公孫弘上書論事帝使難弘以十策弘不得其  
 一及為宰相卒有能名周昌進諫其君病吃不能對  
 詔乃曰臣口雖不能言心知其不可然則口給者事  
 或非信辭屈者理或未窮人之難知堯舜所病胡可  
 以一酬一詰而謂盡其能哉以此察天下之情固多  
 失實以此輕天下之士必有遺才臣是以竊慮陛下  
 雖窮其辭而未窮其理能服其口而未服其心良有  
 以也古之王者明四目達四聰蓋欲幽抑之必通且

求聞己之過也。垂旒於前，黠纒於側。蓋惡視聽之太  
 察，唯恐彰人之非也。降及末代，則反於斯。聰明不務  
 通<sup>深</sup>物情，視聽抵以伺罪，釁與衆違，欲與道乖。方於是  
 相尚以言，相示以智，相冒以詐，而君臣之義薄矣。以  
 陛下性含仁聖，意務雍熙，而使至道未孚，臣竊為陛  
 下懷愧於前哲也。古人所以有耻，君不如堯舜者，故  
 亦以是為心乎。夫欲理天下<sup>高</sup>而不<sup>總</sup>務於得人心，則天  
 下固不可理矣。務得人心而不勤於接下，則人心固  
 不可得矣。務勤接下而不辯君子小人，則下固不可  
 接矣。務辯君子小人而惡其言過，悅其順己，則君子

小人固不可辯矣。趣和求婚人之甚，利存焉。犯顏取  
 怨人之甚，害存焉。居上者易其害，而以美利利之，猶  
 懼中谷之不既。况有疎隔而勿接，又有猜忌而加損  
 者乎。天生蒸人，本以為國人之有口，不能無言。人之  
 有心，不能無欲。言不宜於上，則怨譟於下。欲不歸於  
 善，則湊集於邪。聖人知衆之不可以力制也，故植謗  
 木，陳諫鼓，列爭臣之位，置采詩之官，以宣其言，尊禮  
 義，安誠信，厚賢能之賞，廣功利之途，以歸其欲。使上  
 不至於亢，下不至於窮，則人心安得而離，亂兆何從  
 而起。古之無為而理者，其率用此歟。苟有理之之意

而不知其方。苟知其方而心守不壹，則得失相半。意下之理，亂未可知也。其又違道以師心，棄人而任己，謂欲可逞，謂衆可誣，謂專斷無傷，謂詢謀無益，謂諛說爲忠順，謂獻替爲妄愚，謂進善爲比周，謂嫉惡爲嫌忌，謂多疑爲御下之術，謂深察爲照物之明，理道全乖，國家之顛危可立待也。理亂之戒，前哲備言之矣。安危之效，歷代嘗試之矣。舊典盡在，殷鑒足徵。其於措置施爲，陛下明識所擇耳。伏願廣接下之道，開獎善之門，弘納諫之懷，勵推誠之美。其接下也，待之以禮，煦之以和，虛心以盡其言，端意以詳其理。不樂

人以給，不自銜以明，不以先覺爲能，不以臆度爲智。不形好惡，以招諂，不大聲色，以示威。如權衡之懸，不作其輕重，故輕重自辨，無從而詐也。如水鏡之設，無意於妍蚩，而妍蚩自彰，莫得而怨也。有犯顏謹直者，獎而親之，有利口讒佞者，疎而斥之，自然物無壅情，言不苟進。君子之道浸長，小人之態日消，何憂乎少忠良，何有乎作威福，何患乎妄說是非。如此則接下之要備矣。其獎善也，求之若不及，用之懼不周。如梓之任材，曲直當分，如海之歸水，洪涓必容。能小事則處之以小官，立大勞則報之以大利，不忌怨，不避親。

不扶瑕不求備不以人廢舉不以己格人聞其才必  
試以事能其事乃進以班自然無不用之才亦無不  
實之舉如此則獎善之道得矣其納諫也以補過為  
心以求過為急以能改其過為善以得聞其過為明  
故諫者多表我之能好諫者直示我之能賢諫者之  
狂誣明我之能恕諫者之漏泄彰我之能從有一於  
斯皆為盛德是則人君之與諫者交相益之道也諫  
者有爵賞之利君亦有理安之利諫者得獻替之名  
君亦得採納之名然猶諫者有失中而君無不美唯  
恐讜言之不切天下之不聞如此則納諫之德光矣

其推誠也在彰信在任人彰信不務於盡言所貴乎  
出言則可復任人不可以無擇所貴乎已擇則不疑  
言而必誠然後可以求人之聽命任而勿貳然後可  
以責人之成功誠信一虧則百事無不紕繆疑貳一  
起則群下莫不憂虞是故言或乖宜可引過以改其  
言而不可苟也任或乖富可求賢以代其任而不可  
疑也如此則推誠之義孚矣微臣所以屢屢塵黷而  
不能自抑者蓋以陛下有拯亂之志而多難未平有  
務理之誠而廢績未艾有堯舜聰明之德而未光宅  
於天下有覆載含弘之量而未翕受於衆情故臣每

中夜靜思無不竊嘆而深惜也。向若陛下有其位而無必行之志，有其志而無可致之資，則臣固已從俗浮沉，何苦而汲汲如是。惟陛下詳省所闕，亟行所宜，歸天下之心，濟中興之業，此臣之願也。億兆之福也，宗社無疆之休也。

反復數千言，名語層疊，道警動聽。賈傳治安一疏，乃始有其匹矣。快哉。

○○○奉天請罷瓊林大盈二庫狀

右臣聞作法於涼，其弊猶貪。作法於貪，弊將安救。示人以義，其患猶私。示人以私，患必難弭。故聖人之立

教也，賤貨而尊讓，遠利而尚廉。天子不問有無，諸侯不言多少，百乘之室不蓄聚斂之臣。夫豈皆能忘其欲賄之心哉。誠懼賄之生人心，而開禍端，傷風教，而亂邦家耳。是以務鳩斂而厚其帑，積之積者，匹夫之富也。務散發而收其兆，廢之心者，天子之富也。天子所作與天同方，生之長之而不恃其為成之收之而不私其有。付物以道，混然忘情，取之不為貪，散之不為費。以言乎體，則博大以言乎術，則精微。亦何必撓廢公方，崇聚私貨，降至尊而代有司之守，辱萬乘以效匹夫之藏。虧法失人，誘姦聚怨，以斯制事，豈不過

哉。今之瓊林大盈，自古悉無其制。傳諸耆舊之說，皆云創自開元。貴臣貪權，飾巧求媚，乃言群邑貢賦所用，盡各區分。稅賦當委之有司，以給經用。貢獻宜歸乎天子，以奉私求。玄宗悅之，新是二庫。蕩心侈欲，萌抵於茲。迨乎失邦，終以餌寇。記曰：貨悖而入，必悖而出。豈其明效歟？陛下嗣位之初，務遵理道，敦行約儉。斥遠貪饕，雖內庫舊藏未歸太府，而諸方曲獻不入。禁闡清風，肅然海內。丕變議者咸謂：漢文却馬，晉武焚裘之事，復見於當今。近以寇逆亂常，鑿輿外幸，既屬憂危之運，宜增做勵之誠。臣昨奉使軍營，出繇行

殿，忽覩右廊之下，榜列二庫之名，懼然若驚，不識所以。何則？天衢尚梗，師旅方殷，瘡痛呻吟之聲，噢咻未息。忠勤戰守之效，賞賚未行，而諸道貢珍，遽私別庫。萬目所視，孰能忍懷？竊揣軍情，或生缺望。試詢侯館之吏，兼採道路之言，果如所虞。積憾已甚，或忿形謗讟，或醜肆謳謠，頗含思亂之情。亦有悔忠之意，是知毗俗昏鄙，識昧高卑，不可以尊極臨，而可以誠義感。頃者六師初降，百物無儲，外捍兇徒，內防危堞，蕭夜不息，迨將五旬。凍餒交侵，死傷相抗，畢命同力，竟夷大艱。良以陛下不厚其身，不私其欲，絕甘以同卒伍。

輟食以啗功勞。無猛制而人不携。懷所感也。無厚賞而人不怨。悉所無也。今者收圍已解。衣食已豐。而謠譏方興。軍情稍阻。豈不以勇夫恒性嗜貨矜功。其患難既與之同憂。而好樂不與之同利。苟異恬默。能無怨恚。此理之常。固不足怪。記曰。財散則人聚。財聚則人散。豈其殷鑒歟。衆怒難任。蓄怨終泄。其患豈徒人散而已。亦將慮有締姦鼓亂。干紀而強取者焉。夫國家作事。以公共為心者。人必樂而從之。以私奉為心者。人必拂而叛之。故燕昭築金臺。天下稱其賢。殷紂作玉杯。百代傳其惡。蓋為人與為己殊也。周文之囿

百里。時患其尚小。齊宣之囿四十里。時病其太大。蓋同利與專利異也。為人上者。當辨察茲理。洒濯其心。奉三無私。以壹有衆。人或不率。於是用刑。然則宣其利而禁其私。天子所恃以理天下之具也。捨此不務。而壅利行私。欲人無貪。不可得已。今茲二庫珍幣所歸。不領度支。是行私也。不給經費。非宣利也。物情離怨。不亦宜乎。智者因危而建安。明者矯失而成德。以陛下天姿英聖。倘加之見善必遷。是將化蓄怨為銜恩。反過差為至當。促殄遺孽。永垂鴻名。易如轉規。指顧可致。然事有未可知者。但在陛下行與否耳。能則

陸軍公議卷之二  
安否則危。能則成德。否則失道。此乃必定之理也。願  
陛下慎之惜之。陛下誠能近想重圍之殷憂。追戒平  
居之專欲。器用取給不在過豐。衣食所安必以分下。  
凡在二庫貨賄。盡令出賜有功。坦然布懷與衆同欲。  
是後納貢必歸有司。每獲珍華先給軍賞。瓌異纖麗  
一無上供。推赤心於其腹中。降殊恩於其望外。將卒  
慕陛下必信之賞。人思建功。兆庶悅陛下改過之誠。  
孰不歸德。如此則亂必靖。賊必平。徐駕六龍。旋復都  
邑。興行墜典。整緝焚網。乘輿有舊儀。郡國有恒賦。天  
子之貴。豈當憂貧。是乃散其小儲而成其大儲也。損

其小寶而固其大寶也。舉一事而衆美是行之。又何  
疑焉。恡少失多。廉賈不處。弱近迷遠。中人所非。况乎  
大聖應機。固當不俟終日。不勝管窺願效之至。

德宗於行宮廡下貯諸道貢獻之物。榜曰瓊林大  
盈庫。誓以為戰守之功。賞賚未行而遽私別庫。則  
士卒怨望。無復鬪志。乃上此奏。帝悟。即命去其榜。  
公忠誠積中。每有所觀。必盡言規諷。此文下筆便  
有風雷之勢。唐祚未移。天地鬼神悉有以助之矣。

○賀幸梁州論進獻瓜果人擬官狀

右欽淑奉宣聖旨。自發洋州以來。累路百姓進獻果



子胡瓜等。雖甚微細。且有此心。今擬各與散試官。卿  
宜商量可否者。伏以爵位者。天下之公器。而國之大  
柄也。唯公勲才德所宜處之。非此二途。不在賞典。恒  
宜謹惜。理不可輕。若輕用之。則是壞其公器。而失其  
大柄也。器壞則人將不重。柄失則國無所持。起端雖  
微。流弊必大。緣路所獻瓜果。蓋是野人微情。有之不  
足。光聖猷無之不足。虧至化量。以錢帛為賜。足彰行  
幸之恩。饋獻酬官。恐非令典。

簡當葛

○○又論進瓜果人擬官狀

右欽淑齋中書所與進瓜果人擬官狀。示臣仍奉宣  
聖旨。朕所到處。欲得人心喜悅。試官虛名。無損於事。  
宰臣已商量進擬。與亦無妨者。臣愚以謂信賞必罰。  
霸王之資。輕爵褻刑。衰亂之漸。信賞在功。無不報。必  
罰在罪。無不懲。非功而獲爵。則爵輕。非罪而肆刑。則  
刑褻。爵賞刑罰。國之大綱。一綱或禁。萬目皆弛。雖有  
善理。未如之何。天寶季年。廢律傾國。爵以情授。賞以  
寵加。天下蕩然。紀綱始紊。逆羯乘釁。遂亂中原。遣戍  
歲增。策動日廣。財賦不足以供。賜而職官之賞。與焉。  
職員不足以容。功而散試之號。行焉。青朱雜沓於胥

徒。金紫普施於輿皂。薰蕕無辨。涇渭不分。一紀於茲。莫之能整。當今所病。方在爵輕。設法貴之。猶恐不重。若又自棄。將何勸人。聖旨以為試官。虛名無損於事。臣伏恐陛下思之未熟。偶有是言。倘或謂之信然。臣竊以為過矣。夫立國之道。惟義與權。誘人之方。惟名與利。名近虛而於教為重。利近實而於德為輕。凡所以裁是非。立法制者。則存乎其義。至於參虛實。揣輕重。並行而不傷。造用而不悖。因衆之欲。度時之宜。消息盈虛。使人不倦者。則存乎其權。專實利而不濟之。以虛則耗匱而物力不給。專虛名而不副之。以實則

誕謾而人情不趨。故國家之制。賞典錫貨財賦秩廩。所以彰實也。差品列異服章。所以飾虛也。居上者必明其義。達其變。相須以為表裏。使人日用而不知。則為國之權得矣。謹按命秩之載於甲令者。有職事官焉。有散官焉。有勳官焉。有爵號焉。雖以類而分。其流有四。然其掌務而授捧者。唯繫於職事之一官。以序才能。以位賢德。此所謂施實利而寓之虛名者也。其勳散爵號三者。所繫大抵止於服色資蔭而已。以馭崇貴。以甄功勞。此所謂假虛名以佐其實利者也。虛實交相養。故人不瀆賞。輕重互相制。故國不廢權。今

陸軍公議錄 卷之二  
之員外試官。頗同勲散爵。雖則授無費祿。受不占員。然而突銛鋒。排患難者。則以是賞之。竭筋力。轉勤效者。又以是酬之。其為用也。可謂重矣。今或捧瓜一器。挈果一盛。亦授試官。以酬所獻。則彼突銛鋒而竭筋力者。必相謂曰。吾以忘軀命而獲官。此以進瓜果而獲官。是乃國家以吾之軀命。同於瓜果矣。瓜果草木也。視人如草木。誰復為用哉。且員外試官。無捧祿之資。無攝管之柄。無見敬之貴。無免役之優。唯假空名。以籠浮俗。浮俗所以若存若亡。而未甚厭棄者。徒以上之所惜耳。今陛下若又輕用之。以為無損於事。

人寤斯旨。復何賴焉。後之立功。曷用為賞。陛下若欲賞之以職事。則官員有限。而勲伐無窮。固不勝其用矣。陛下若欲賞之以貨財。則人力已殫。而帑藏皆匱。固不充其費矣。既未有實利。以崇勸。又不重虛名。而濫施人。無藉焉。何以為國。植瓜種果。多是野人貧者所資。唯在衣食。假以冗雜。亦奚用焉。必欲使之歡欣。不如厚賞錢帛。人不失利。國不失權。各得所宜。兩全其寶。何有不可。固傷大猷。願留睿思。更少詳度。說利害。合人情。可以感動君心。最有處置。

○○○興元論解姜公輔狀

右欽淑奉宣聖旨緣唐安公主喪亡不可向此間遷  
措權令造一塔安置待收復京城即擬將婦以禮葬  
送所造塔役功費用亦甚微小都不合是宰相所論  
之事姜公輔忽有表奏都無道理但欲指朕過失擬  
自取名朕本拔擢將為腹心今却如此豈不負朕至  
深卿宜商量如何穩便者公輔頃在翰林與臣久同  
職任臣今據理辨直則涉於私黨之嫌希旨順誠則  
違於匡輔之義涉嫌止貽於身患違義實玷於君恩  
狗身忘君臣之耻也別嫌獎義主之明也臣今不敢  
冒行所耻亦賴陛下明聖而鑒焉古語有之順旨者

愛所繇來逆意者惡所從至故人臣皆爭順旨而避  
逆意非忘家為國捐身成君者誰能犯顏色觸忌諱  
建一言開一說哉是以哲后興王知其若此求諫如  
不及納善如轉圜諒直者喜之許犯者義之愚淺者  
恕之狂誕者容之乃慮驕佚之易滋而忠實之不聞  
也於是置敢諫之鼓植告善之旌垂戒慎之鞅立司  
過之士猶懼其未也又設官制以言為常繇是有史  
為書瞽為詩工誦箴諫大夫規誨士傳言庶人謗尚  
恐其怠也每歲孟春適人以木鐸徇於路而振警之  
官師相規工執藝事以諫其或不恭邦有常刑然非

陸宣公集講義卷之三  
一  
明智不能招直言。非聖德不能求過行。招直則其智  
彌大。求過則其德彌光。唯衰亂之朝。闇惑之主。則必  
諱其過行。忿其直言。以阿諛為納忠。以諫諍為揚惡。  
怨讟溢於下國。而耳不欲聞。腥德達於上天。而心不  
求悟。迨乎顛覆。猶未知非。情之昏迷。乃至於是。故明  
者廣納以成德。闇者獨用而敗身。成敗之途。千古相  
襲。與敗同轍者。罔不覆。與成同軌者。罔不昌。以陛下  
日月之明。江海之量。自當矯夏癸殷辛。拒諫飾非之  
慝。協大禹成湯。拜言改過之誠。矧又時運方屯。物情  
猶鬱。乃是陛下握髮吐哺之日。宵衣旰食之辰。士無

賢愚咸宜錄用。言無小大。皆務招延。固不可復有忤  
逆之嫌。甘辛之忌也。夫君人者。以衆智為智。以衆心  
為心。恒恐一夫不盡其情。一事不得其理。孜孜訪納。  
唯善是求。豈從諫不拂而已哉。乃至求謗言。聽輿誦。  
葑菲不以下體。而不採。故英華靡遺。芻蕘不以則品。  
而不詢。故幽隱必達。今公輔官在諫議。任居宰衡。獻  
晉彌綸。乃其職分。比於芻蕘葑菲。豈不優而且重哉。  
此理之常。奚足怪也。縱使引喻非當。不猶愈於輿誦  
乎。矯激過深。不猶愈於謗言乎。晉文聽輿人之誦。而  
霸業興。虞舜設誹謗之木。而帝德廣。斯實聖賢之高

躅。陛下何疾焉。聖旨又以造塔役費微小。非宰臣所  
論之事。下臣愚戇。竊謂不然。當問理之是非。豈論事  
之大小。若造塔為是。役雖大而作之何傷。若造塔為  
非。費雖小而言者何罪。夫小者大之漸。微者著之萌。  
故君子慎初。聖人存戒。知幾者所貴乎。不遠而復。制  
理者必在於未亂之前。本立輔臣置之左右。朝夕納  
誨。意在防微。微而弼之。乃其職也。涓涓不遏。終變桑  
田。涖涖靡除。卒燎原野。流煽已甚。禍定已成。雖欲救  
之。固無及矣。書曰。不矜細行。終累大德。易曰。小人以  
小善為無益。而不為也。以小惡為無傷。而不去也。故

惡積而不可掩。罪大而不可解。然則小之不可不慎  
也。如此。陛下安得使之勿論乎。虞書載咎繇之言曰。  
兢兢業業。一日二日萬幾。兢兢慎也。業業危也。幾者  
動之微也。唐虞之際。主聖臣賢。庶績咸熙。萬邦已協。  
而猶上下相戒。既慎且危。慮事之微。日至萬數。然則  
微之不可不重也。如此。陛下又安可忽而勿念乎。舜  
之為君。始作漆器。群臣固爭。咸謂非宜。漆器之為用  
也。甚堅。其為費也。蓋寡。然猶相繼諷諫者。豈不欲杜  
其漸而慎其初歟。是知君臣之間。義同一體。事同大  
小。相須而成。故舜命其臣曰。作朕股肱耳目。夫股肱

陸宣公奏議卷之二  
之奉於元首。不以煩細而闕於運行。耳目之助於心。靈不以么微而廢於視聽。是以臣子之於君父也。盡其敬而敬焉。盡其愛而愛焉。敬則願極於尊榮。愛則懼陷於過惡。萬邦黎獻莫不皆然而況位列朝廷。任當輔弼。主辱與辱。主安與安。此而不言。誰復言者。禮曰。近而不諫。則尸利也。若宰相者可謂近矣。事或乖誤。得無諫乎。武丁賢君也。傳說賢相也。而武丁引金作礪。以命其相。傳說喻木從繩。以戒其君。是則輔弼之任。匡救攸屬。巨細之事。悉宜盡規。陛下所言。役費微小。非宰相所論之事。又謂指朕過失。擬自取名。此

誠異乎愚臣之所聞。是以願披肺腑。而不敢自默者也。若以諫諍為指過。則剖心之主。不宜見罪於哲王。若以諫諍為取名。則匪躬之臣。不應垂訓於聖典。獻替列職。竟使奚為。左右有人。復將焉用。臣竊謂指過以示直。固不如改過以見稱。進諫以取名。固不如納諫之為美。假有意將指過諫以取名。但能聞善而遷。見諫不逆。則所指者適足以彰陛下莫大之善。所取者適足以資陛下無疆之休。因而利焉。所獲多矣。倘或怒其指過而不改。則陛下招惡直之譏。黜其取名而不容。則陛下被違諫之謗。是乃掩己過而過彌著。

損彼名而名益彰。果而行之，所失大矣。一獲一失，可不慎乎？伏願嘉忤旨之心，祛逆耳之吝，平積忿之氣，弭逆詐之情。然後試以愚言，反覆參較，庶臻至理。且諒微誠。

公輔素有高材。德宗幸奉天時，擢為諫議大夫，同中書門下平章事。茲言葬公主事，帝怒其賣直，公上疏力解之。帝終不聽，遂下遷太子左庶子。嗚呼！詩有云：自有肺腸。又有云：聽言則對，誦言則醉。其斯之謂矣。萬

○又答論姜公輔狀

右欽淑奉宣聖旨。省卿所奏公輔事宜。雖甚知卿盡忠，然似未會朕意。朕意公輔才行，共宰相都不相當。在奉天時，早欲停罷。後因公輔辭退，朕已對面許訖。尋屬懷光背叛，遂且因循。容到山南，公輔知朕必擬移改，所以因論造塔事，賣直取名。據此用心，豈是良善。朕所以惆悵者，祇緣如此。卿今疑朕不能納諫，殊乖本意者。臣以戇執，務在樸忠。推理而言，有懷必盡。睿意玄妙，非凡所窺。如臣懵昧之材，且無希伺之志。奏報失旨，宜其固然。所冀錄微款，而矜至愚。實天下幸甚。古人有言曰：明主者可以理奪。又曰：主聖則臣



直。今陛下稟天縱之性，備明聖之資，臣若抱理莫伸，守直不固，上虧至化，罪莫大焉。輒復據直道而理其前言，惟陛下留意幸察。臣竊以領覽萬幾，必先虛其心。鏡鑑群情，必先誠其意。蓋以心不虛，則物或見阻；意不誠，則人皆可疑。阻於物者，物亦阻焉；疑於人者，人亦疑焉。萬物沮之，兆人疑之，將欲感人心，致於和平，盡物理，使無紕繆，是猶却行而求及前人也。無乃愈疎乎？孔子曰：不遷怒，不億不信，豈非懼於肆情逞憾，以至於失中違道者哉？臣之區區，志欲匡輔，是以前者奏疏，願陛下平積憤之氣，弭逆詐之情，然後試

以愚言反覆參較，庶臻至理，且亮微誠。今陛下以論。指。陳。至。此。公。真。忠。臣。真。真。臣。欲廢罷公輔之心，而謂上。真。真。臣。真所行皆非良善，則是遷怒而積憤之氣未平也。陛下揣公輔知必移改之意，而謂其所言皆欲取名，則是不億不信，而逆詐之情未弭也。逆詐未弭，積憤未平，固宜公輔獲戾於蓄疑。下臣見尤於垂意，謂之至當，則或不然。夫臣之獻言，以助理也。君之求諫，以弼違也。言苟助理，何必以人而廢言；諫苟弼違，何必責意而拒諫。若彼言無足用意，雖善而奚為諫；有可從，人雖咎而寧捨。古先聖王所以採葑菲，詢芻蕘，傳謗言，用仇怨，急於聽納，乃至於

斯其意無他。惟義所在。願陛下不以憎嫌而遺其片善。不務精察而謂之大明。忠言者利於行而拂於情。唯計慮至熟。乃能無忤。幸紆宸鑒。更審所宜。

詔意亦是遁詞。此則推原病根。令人主心服。使中才遇之。亦當繹改矣。甚哉德宗之昏。復難悟也。

○興元論請優獎曲環所領將士狀

右曲環所領一軍。悉是朱泚部曲。或頃在鳳翔所管。或本從河朔同來。後因汴宋用兵。權抽赴彼。應援所以行營將士。猶舉幽隴為名。今之元兇。乃其舊師。故下則楚琳助亂。薊門則朱泚黨姦。獨此偏師。漂然河

上。其營幕則寄於他上。其家屬則陷於匪人。又屬汴路。姦戩浚城。陷覆糧餉。屢絕資裝。久殫士卒。常情固難安處。是宜潰歸舊管。否則散適樂郊。而曲環撫之。悉無離叛。孤軍自守。亦不苟從。處危能安。聞難輒赴。甚推齊肅累著功勳。近日將帥之中。罕有如環之比。考其才節。絕有過人。但緣羈寓多時。窮遺轉甚。繼陳章奏。言極酸辛。告及朝廷。則力未能救。求哀郡府。則人莫見憂。覽其辭情。可為流涕。若失於應接。則終以危凶。良將義徒。實在深惜。願陛下不以常人遇之。不以常事遣之。方今勢可相資。唯有江左完實。恐須密

勅韓滉切令贍恤此軍器甲衣糧咸使周足因賜劉  
治手詔亦委加意保持若得自存必有成績非艱難  
無以表特操非英聖不能全異才有功見知人必悅  
勸臣不勝區區為國獎善拯危之意

忠懷篤至故能俯悉孤隱伴食者視此直可付膜  
外耳

○○○興元論解蕭復狀

右欽淑齋蕭復表示臣兼奉宣聖旨朕比緣李懷光  
兇狂且就此回避山南既與京畿接近指麾兵馬日  
望收城今蕭復勸朕令幸江陵表狀之中張皇頗甚

朕不會其意昨問從一從一亦甚驚怪不知事緣蕭  
復奏事官李充朕適喚對共語亦似不是純良此人  
莫是李承昭家子弟否卿宜審看蕭復表中意趣斟  
酌奏來者臣伏觀其表兼揣其情蓋以遠路傳聞事  
多失實大臣獻納務且竭誠雖有過當之虞失中之  
策但宜勿用不足為尤何則駐蹕奉天逃難已甚况  
又不駐艱危可知蕭復備位樞衡奉使宣撫忽聞變  
故寧免驚憂梁岷之間窮隘特甚輦輓攸止資奉實  
難凡在戀主之誠各懷後后之志是以延賞奉迎於  
西蜀韓滉望幸於東吳此乃君子之常情古今之通

禮蕭復所請亦類於斯事雖非宜意則可恕李充頃  
任御史臣嘗與之同僚其人是故福建觀察使李旻  
之男共承昭房從已遠才頗通敏性亦溫恭宗族之  
中足稱佳器伏愿更廣詢訪方驗臣言不誣  
好宰相善於救忠良之患善於解閭主之疑

○又答論蕭復狀

右欽淑奉宣聖旨卿所奏蕭復事朕已具悉假使更  
無別意終是不識事宜更令巡行諸道轉恐事多乖  
失緣孟皞年老今欲除蕭復為福建觀察使便令赴  
任去就亦應得所卿意以為何如者伏以將相之任

所委皆崇中外迭居亦是常理然君臣有禮進退不  
可以不全理體有宜本末不可以不稱頃盜興都邑  
駕適郊畿陛下悔征賦之殷繁念黎元之困悴誕降  
茲旨深示憫傷特遣大臣普詢疾苦本期還報將議  
優蠲衆情顛顛日望上達今若未終前命遽授遠藩  
則是膏澤將布而復收函汗已發而中廢事既失望  
人何以觀斯乃進退之禮不全本末之宜不稱謂為  
得所臣實疑之倘慮處事乖方不欲淹留在外則當  
諭以詔旨促其歸程遠近巡歷未周但令副使分往  
持其復命親訪物情革弊垂恩用符德號使務既畢

能否益彰。徐擇所宜以圖進退。庶於事體允得厥中。  
好宰相善處事善保全。謝疊山

○○興元訪續從賊中。赴行在官等狀

右欽淑奉宣聖旨。近日遑遑有卑官從山北來。皆稱  
自京城偷路。奔赴行在大都。此輩多非良善。有一邢  
建論說賊中體勢。語最張皇。察其事情。頗是窺覘。今  
且令留在一處安置。如此之類。更在數人。若不根尋  
恐有姦計。卿宜商量如何穩便者。臣伏以任總百揆  
者。與一職之守不同。富有萬國者。與百揆之體復異。  
蓋尊領其要。卑主其詳。尊尚恢弘。卑務近細。是以練

覈小事。糾察微姦。此有司之守也。維御萬樞。選建庶  
長。撝綱而衆目咸舉。明邇而群方自通。此大臣之任  
也。愚智兼納。洪纖靡遺。蓋之如天。容之如地。垂旒黻  
纒而黜其聰察。匿瑕藏疾而務於包含。不示威而人  
畏之。如雷霆。不用明而人仰之。如日月。此天子之德  
也。以卑而僭用尊道。則職廢於下。以尊而降代卑職。  
則德喪於上。職廢則事不舉。德喪則人不歸。事不舉  
者。弊雖切而患輕。人不歸者。釁似微而禍重。茲道得  
失所關。興亡知宇宙之大。不可以耳目周。故清其無  
為之心。而觀物之自為也。知億兆之多。不可以智力

勝故壹其至誠之意而感人之不誠也異於是者乃  
 以一人之聽覽而欲窮宇宙之變態以一人之防慮  
 而欲勝億兆之姦欺彼智彌精其道彌遠故仲尼述  
 陶唐之盛曰惟天為大惟堯則之周詩美文王之德  
 曰不識不知順帝之則是皆覆育萬物渾然大同無  
 好無惡不忌不克之謂也項籍納秦降卒二十萬慮  
 其懷詐復叛一舉而盡坑之其於防虞亦已甚矣漢  
 高詒達大度天下之士至者納用不疑其於備慮可  
 謂疏矣然而項氏以滅劉氏以昌蓄疑之與推誠其  
 效固不同也秦皇嚴衛雄猜而荆軻奮其陰計先武

寬容博厚而馬援輸其款誠豈不以虛懷待人亦  
 思附任數御物物終不親情思附則感而悅之雖寇  
 讐化為心膂有矣意不親則懼而阻之雖骨肉結為  
 仇慝有矣臣故曰茲道得失所關興亡伏惟陛下睿  
 哲文思光被四表孝友勤儉行高百王然猶化未大  
 同俗未至理者良以智出庶物有輕待人臣之心思  
 周萬機有獨馭區寓之意謀吞衆畧有過慎之防明  
 照羣情有先事之察嚴東百辟有任刑致理之規威  
 制四方有以勝殘之志由是才能者怨於不任忠  
 蓋者憂於見疑著勲業者懼於不容懷反側者迫於

寬容博厚而馬援輸其款誠豈不以虛懷待人亦  
思附任數御物物終不親情思附則感而悅之雖寇  
讐化為心膂有矣意不親則懼而阻之雖骨肉結為  
仇慝有矣臣故曰茲道得失所關興亡伏惟陛下睿  
哲文思光被四表孝友勤儉行高百王然猶化未大  
同俗未至理者良以智出庶物有輕待人臣之心思  
周萬機有獨馭區寓之意謀吞衆畧有過慎之防明  
照羣情有先事之察嚴東百辟有任刑致理之規威  
制四方有以勝殘之志由是才能者怨於不任忠  
蓋者憂於見疑著勲業者懼於不容懷反側者迫於

攻討馴致離叛。構成禍災。兵連於外。變起於內。歲律未半。乘輿再遷。國家艱屯。古未嘗有。以陛下至聖之德。而遇茲殷憂之期。天其或者欲大啓睿心。徹小失而崇丕業耳。臣謂陛下當奉若天意。追咎已然。凡所致寇之由。悉已詳知其故。將革前弊。以消群疑。今承德音。尚襲流悞。若未悔禍。何由弭災。臣獲蒙過知。又辱下問。若務順旨。是為欺天。用敢指陳。庶裨闕漏。往歲初奮師旅。四征不庭。義烈之徒。人思自効。捨逆歸款者。繼獻於闕下。陳謀諫失者。爭詣於禁門。陛下能於此時乘軍氣之方。雄因人之心。願盡輟沐吐哺。虛

陸宣公奏議卷之二

十一

一本安下有必

襟坦懷。海內風行。不疑不滯。切者報之。義者旌之。直者獎之。才者任之。其或有志而無補於時。敢言而不尚其理。亦必恕其妄作。錄其善心。率皆優容。以禮進退。如此。則海內風靡。翕然歸心。賢愚咸懷。小大畢力。最爾兇醜。曾何足平。臣因知久已理安。無奉天之幸矣。其所以孕禍胎。而索義氣者。在乎獨斷宸慮。專任睿明。降附者意其窺覷。輸誠者謂其遊說。論官軍撓敗者。猜其挾奸毀沮。陳兇黨強狡者。疑其為賊。張皇獻計者。防其漏言。進諫者。憚其宜諂。凡此之類。悉貽聖憂。咸使拘留。謂之安置。或詰責而寘於客省。或勞

陸宣公奏議卷之二

七

慰而延於紫庭。雖呵獎頗異其辭。然於圈關一也。既  
 杜出入。勢同控牢。解釋無期。死生莫測。守護且峻。家  
 私不通。一遭繫維。動歷年歲。想其痛憤。何可勝言。由  
 是歸化漸稀。而上封殆絕矣。拘義之心。既阻脅徒之  
 黨。彌堅而貴近之臣。往來之使。希望風旨。詭辭取容。  
 唯揣樂聞。不憂失實。咸言逢君順旨者。及以失善為先善。聖謀深遠。策略如神。小寇  
 孤危。滅亡無日。陛下急於誅惡。皆謂其事信然。窮兵  
 竭財。坐待平一。人心轉潰。寇亂愈滋。遂致轂下生戎。  
 宮闈不守。倘陛下能於此際此際。為急。應悔。過之際。遽敷大號。謝過萬方。叙  
 忠良見忌之冤。而舉其尤鯁亮者。加之厚秩。糾阿諛

不實之罪。而數其極奸妄者。處之大刑。賞罰既明。忠  
 邪畢辨。以此臨下。誰敢不誠。以此懷人。何有不服。過  
 而能改。亂亦盪安。臣因知機。再。失。而。禍。再。見。尋復京師。必無梁岷之遊  
 矣。陛下既闕慎于始。又失圖於中。收之西隅。唯在茲  
 日。豈可復使一事糾繆。一言過差哉。今賊泚未平。懷  
 光繼叛。都邑城闕。揆揄迭居。關輔郊畿。豺狼雜處。朝  
 廷僻於遠郡。道路緣方。實。指。歷於連山。杖策從君。其能有  
 幾。推心降接。猶恐未多。稍不禮焉。固不來矣。若又就  
 加猜劾。且復囚拘。使反者得辭。來者疑。人。則。人。人。自。懷懼。則天下有  
 心之士。安敢復言忠義哉。卯胎不傷。麟鳳方至。魚鱉



咸若。龜龍乃遊。蓋悅近者。采遠之資。懷小者。致大之

術也。竊料邢建等輩。必非助逆之徒。假如過有張皇。

跡涉疑似。亦望矜愚惜體。屈法裕人。並量器能。隨事

甄貸。武者措之於戎伍。文者付之於宰司。大則授以

職員。次但優其選序。必有須離行在。難處親軍。則或

除諸道一官。或委諸使錄用。就其常分。各稍加恩。古

人有言。撫我則后。虐我則讐。惠澤所及。謳歌乃歸。流

聞四方。孰不欣戴。昔趙殺鳴犢。聖人輟行。燕尊郭隗。

賢士繼往。況乎天子所作天下式。瞻一言阻物。則天

下莫不自疑。一事恤入。則天下莫不同悅。固不可以

小失為無損而不悔。亦不可以小善為無益而不行。

小猶慎之。矧又非小。願陛下惟事無大小。皆以覆車

之轍為戒。實宗社無疆之休。謹奏。

蔡九霞曰。天子蒙塵。諸臣奔赴。行在亦屬。念不忘君。而乃疑其窺伺。是驅之使賊也。故擴其念。宏之量。杜其猜疑之端。以施收拾人心之術。至援古証今。于使過用。仇招賢納才之道。徐畫如列。指指掌掌。蓋寔故之後。羣情驚疑。離散。撫我。虐我。關係向背。不淺。使亡國復存。危轉復安。皆公比奏轉旋之力也。夫興元。賀吐蕃尚結贊。抽軍迴歸狀。

右欽。敘奉宣聖旨。適得渾瑊奏。比日尚結贊。頻使人計會。擬自領兵馬。剋期同收京城。緣春來蕃軍多有疾疫。近得探報。尚結贊等。並抽兵退歸。不知遠近。朕意緣

吐蕃士馬強盛。又以和好之義。自請將兵助國討賊。朝夕望其成功。今忽抽軍退歸。甚失準擬。渾瑊、李晟等諸軍。兵馬並不至絕多。若無蕃軍應援。深慮被賊衝突。卿試料量事勢如何者。臣質性孱昧。不習兵機。但以人情揆之。時亦偶有所得。自承此旨。欣賀實深。竊謂蕃戎退歸。乃是社稷遐福。昨日已附欽澈口奏。託伏恐未及。愚款尚勞聖夏。謹附披陳。庶解疑結。彼吐蕃者。大羊同類。狐鼠為心。貧而多防。狡而無恥。威之不格。撫之不懷。雖或時有盛衰。大抵常為邊患。陰詐難御。特甚諸夷。陛下且舉建中以來近事。準之則戎心難知。固可明矣。頃者方靖中夏。未遑外虞。因其

乞盟。遂許結好。加恩降禮。有欲無違。而乃邀求寢多。翻覆靡定。託因細事。噴有煩言。首尾凡歷四年。要約意未堅決。立碑纔畢。復請改移。猜矯多端。於斯可驗。逮至盜驚都邑。駕幸郊畿。結贊總戎在邊。因請將兵赴難。陛下推誠允迪。厚賂招徠。逗留持疑。竟不時進。無濟討除之用。但携將帥之心。懷光遽至猖狂。每頗繇茲促。禍及皇輿。再駕移蹕漢中。陛下猶望蕃兵以寧。內難親倚之情。彌厚。屈就之事亦多。豺狼野心。曾不知感。翻受朱泚信使。意在觀變。推移頻與。諸軍剋期至時。皆不赴會。致令群帥進退憂虞。欲捨之獨前。

則慮其懷怨乘躡欲待之合勢則苦其失信誓延既  
姦且驕曷望成績非唯變態難測且又妨擾實深戎  
若快極之論未歸寂終不滅臣請復為陛下根本其說則人情  
物理昭然皆可得而察焉向者謀誘蕃兵本是使臣  
失策陛下急於戡亂嘉彼効誠唯恐後時不暇詳議  
遽除優詔促令進軍遠近聞之莫不危駭將帥意陛  
下不見信任且患蕃戎之奪其功士卒恐陛下不恤  
舊勞而畏蕃戎之專其利賊黨懼蕃戎之勝不死則  
悉遺之擒百姓畏蕃戎之來有財必盡為所掠是以  
順於王化者其心不得不怠溺於寇境者其勢不得

不堅怠我之師堅寇之衆戎心變詐復未可量以此  
益兵但招其損耳以此靖國適資其亂耳昨蕃戎未  
退臣又竊有過憂流聞結贊好謀恐其潛蓄姦計倘  
或幸朝廷播越之際乘賊此窮蹙之時輕紀近郊若  
升虛邑耀兵牧馬不却不前外奉國家內通兇逆兩  
峙誘脅之勢俱納贈遺之資旁觀戰爭坐乘衰弊如  
此則王師不得伐叛烝黎不得寧居賊必耗亡我亦  
困竭京甸所有勢無孑遺千里丘墟得將安用是乃  
我有萬全之利我有不測之危臣所以痛心傷神晝  
驚夕惕者慮其意及於此也所賴天奪其魄神降之

灾覩機若冥。遘厲自道。實昊穹悔禍之應。列聖垂祐之期。廓清妖嬖。慶必非遠。何以知其然也。且賊泚之乱。始於暴兵。因徵役之繁興。乘衛禁之闕備。誘扇群慝。遂謀大姦。逆天僭君。躬肆攻逼。凡有血氣。皆知惋嗟。矧伊忠良。孰不痛憤。獨惡無與。何能久存。加以聖德日新。改過不吝。布革弊之詔。弘恤陰之懷。天下黎元。翕然遷善。易心改觀。厭乱思安。和風既揚。昏浸自斂。蠱兹狂悖。之合殲夷。頃屬懷光昏迷。緩師養寇。吐蕃干撓。生事惑人。故使義士無施。厲階猶梗。今懷光別保蒲絳。吐蕃遠避封疆。形勢既分。腹背無患。城晟

諸帥才力得伸。又各士馬非多。資糧向竭。若不降賊。即須建功。此輩寵任已崇。貴位已極。建功則寵增而位固。降賊則名辱而身危。况賊之兇愚。滅亡可必。賊之孤劣。翦撲非難。孰肯捨固而就危。違寵而從辱。棄垂成之業。臣將滅之虜哉。既牽於利害之情。理不同惡。又迫於單乏之急。勢難久居。勢理相驅。安能無戰。渾瑊紡載休顏。韓游瓌乘其西北。李晟率駱元光。尚可孤攻其東南。同病相資。自當合力。但願陛下慎於撫接。以奮起忠勇之心。勤於砥礪。以昭蕪遠近之望。中興大業。旬月可期。不宜尚眷眷於犬羊之群。以失

將士之情也。臣愚不任懇悃之至。

老謀深識，格言正論。

與元奏請許渾、瑊、李晟等諸軍兵馬，自取機便狀。

右欽淑奉宣聖旨，省卿所奏蕃軍退歸及關中體勢，理皆切當，甚慰朕懷。然渾瑊、李晟等諸軍須有高量規畫，令其進取。朕見欲遣使宣慰，卿宜審細條疏，速奏來者。臣聞將貴專謀，兵以奇勝。軍機遙制，則失變。戎帥稟命，則不威。是以古之賢君，是兩股此偶支字選將而任，分之於闡，奇誓莫干也。授之以鉞，俾專斷也。夫然，故軍敗則死。

衆戰勝則策勲，不用刑而師律貞，不勞慮而武功立。其於委任之體，豈不博大哉！其於責成之利，豈不精覈哉！自昔帝王之所以夷大艱，成大業者，繇此道也。其或疑於委任，以制斷繇已為大權，昧於責成，以指麾順旨為良將，鋒鏑交於原野而決策於九重之中，機會變於斯須而定計於千里之外，違令則失順，從令則失宜。失順則挫君之嚴，失宜則敗君之衆。用舍相礙，否臧皆凶。上有掣肘之譏，下無死綏之志。其於分畫之道，豈不兩傷哉！其於經綸之術，豈不都謬哉！自昔帝王之所以長亂繁刑，喪師蹙國者，繇此道也。

茲道得失。兵家大樞。當今事宜。所繫尤切。蓋以寇盜充斥。乘輿播遷。人心有觀變之搖。王室無自固之重。秦梁迴繚千里而遙。臨之以威。則力勢不制。授之以策。則阻遠不精。頃者驟降詔書。教諭群帥。事無大小。悉為規裁。及乎章表陳誠。使臣復命。進退遲速。率垂聖謀。豈皆樂於違忤哉。亦繇傳聞與指實不同。懸算與臨事有異故也。設使其中或有肆情干命者。陛下能於此時戮其違詔之罪乎。臣竊恐未能也。陛下復能奪其兵而易置將帥乎。臣亦恐未能也。是則違命者既不果行罰。從命者又未必合宜。徒費空言。祇勞

睿慮。非惟無益。其損日多。何則。時方艱屯。下凌上替。凡在執干戈而衛社稷者。皆自謂勲業繇已。義烈發心。安於專行。病於羈制。陛下宜俯循斯意。因而委之。遂其所安。護其所病。敦以付授之義。固以親信之恩。假以便宜之權。待以殊常之賞。其餘細故。悉勿開言。所賜詔書。務從簡要。慎其言。以取重深。其託以示誠。言見重。則君道尊。託以誠。則人心感。尊則不嚴。而衆服。感則不令。而事成。其勢當令智者騁謀。勇者奮力。小大成極。其分賢愚。各適其懷。將自効忠。兵自樂戰。與夫迫於驅制。不得已而從之者。志氣何啻百倍哉。

夫君上之權特異臣下者唯不自用乃能用人其要在順於物情其契在通於時變今之要契頗具於茲倘蒙究思或有可取

灼見人情熟知事勢好宰相善處置真有撥亂宰相之才謝登山

人心國勢爛熟胸中故言之更無纖毫遺憾讀之亦凜凜有生氣

葛氏評點陸宣公奏議卷二終

四十二年三月二日夜也

